

人物志

忠義

周起元建水貢生官教授康熙四年甯州土酋祿昌裔習我
王揚祖蒙自李世藩糾約納樓普率石屏龍韜等謀叛衆至
數萬陷蒙自習我攻臨安起元死於萬明寺同時與難者諸
生唐方齡死於阿迷楊德培死於黑窯鄒應啟死於晴山

臨安府志

王聖哲我諸生康熙四年土酋叛聖責以大義賊怒撻之罵

不絕口死

臨安府志

張鵬羽石屏諸生康熙四年龍韜叛死之

舊志

曹一彬新平人康熙四年土酋祿益反圍新平執一彬令誘

開城一彬入率民兵固守賊攻之不克城遂獲全

舊志

陳綱字五常易門人祖萬勝素以驍勇聞萬厯間野賊攻城七日不退萬勝率諸子弟馳擊賊拔圍去綱時年數歲比長膂力絕人雄於鄉里時吳三桂爲總管鎮滇陰蓄異志招延天下士自李如碧吳國柱馬寶而下皆從之綱曰三桂不忠不孝不可輔也鎮滇二十餘年內惑豔妾外任奸人既能叛前朝豈不能叛

本朝乎康熙四年新興土酋王耀祖叛三桂帥師致討道出邑界綱曰殺小賊易殺大賊難三桂此來非平賊實攘土也舉千鈞巨礮擊之中肩輿折其衡斃輿夫四三桂更調精銳欲屠城至前受礮處天忽昏黑馬蹶人仆見關壯繆立城上三桂跪祝曰不妄殺惟取陳綱一人遣縣令指揮械綱赴省二人曰綱此舉吾輩同謀獨械以往於心安乎綱曰死一人活萬人壯夫所甘心也遂自縛就道見三桂不跪三桂愛其才

欲收爲己用問曰汝年幾何綱罵曰汝大明故臣也闖賊犯順時君死矣范景文以下諸大臣死矣汝父驤以汝故爲賊拘執而死矣汝獨假申胥之名乞秦庭之師其意豈真急君父難哉不過陳圓圓爲闖賊所獲援此以殺奪己之愛者也且永厯父子崎嶇艱苦勢已窮困愛星阿議送京師

本朝恩同天地未必不錫以官爵得終餘年汝必託道遠幽縊五華坡其居心尙可問哉今日天命有歸封汝以親王予汝以重鎮猶蓄士馬招集無賴欲何爲也三桂大怒將置極刑陳圓圓自屏後遣侍者耳語三桂頷之令繫於獄綱破械出斬關奪門衆莫能禦歸數日三桂遣其腹心將八人率精兵數百大索三日無獲諸將大呼曰綱不出盡殺宗族綱聞怒甚挺身直前欲鬪諸將皆屏息因從容與約曰俟三日諸將唯唯綱遂召父老親故烹羊酌酒酣歌痛飲盡三日歡及就

檻車父老泣別綱曰吾欲死則死欲生則生三桂無如予何也何必作兒女態乎至安甯諸將懼其復逸鳩之而剖其心并首級以獻三桂怒不生擒竟斬八將綱飲酒毒發猶折囚檻格殺數人死時年僅二十三云

繆彤陳綱傳

李焜昆明人康熙戊子舉人烏蒙府教授雍正八年祿逆作

亂死於學宮

舊志

徐起鳳東川人樂舞生雍正八年夷賊圍城偕楊騰霄持副將魏翥國令箭往賊營招降曉以利害被殺張連旭馬增榮躬赴功山大營請援爲賊所殺府吏施祖遠給事於麒麟廠夷賊誘之謀亂不從被殺劉志仁與其子國泰爲賊虜至者海誘使入黨父子皆不屈賊刃之至死罵不絕聲李常雲李端士畢天貴趙珣邵邦雄亦爲賊逼脅不從罵賊死

東川府

志

張士達石阿正李老二皆石屏人雍正十年進攻喇博陣亡

石屏州志

尹炤羅平人從九品嘉慶二年率鄉勇勦捕乾河牛街狎苗陣亡時有俞誠者羅平諸生入賊營招降亦被害

劉昌文山諸生嘉慶二年儂匪圍其家逼之反昌大罵被害其子英武得脫知府史積容上其事督撫獎之

開化府志

施安民雲南縣人嘉慶十五年土賊作亂脅之不從同妻李氏子定罵賊遇害

李向陽趙州附貢生道光二十一年補浙江鎮海縣丞時英人已居定海鎮定接壤向陽毅然履任八月二十六日縣城陷向陽遣猶子以鈐記繳郡朝服賦絕命詞自經於堂英人過其署嘆曰忠臣也局署而去邑人立祠祀之

中西紀聞

何桂珍字丹畦師宗人道光十八年進士授編修二十六年

視學貴州三十年

文宗顯皇帝登極數抗疏言軍事得失增輯大學衍義芻言並著訓蒙千字文手繕進呈

優詔納之咸豐三年九月授福建興泉永道時粵匪犯畿輔協辦大學士賈楨等奏留桂珍

命開缺以候補道留京師辦理城防事宜四年二月授安徽甯池太廣道所治在江南阻於賊巡撫福濟疏留桂珍於江北募勇隨征得二百餘人合之號召鄉兵共三千有奇十月破李兆受於霍城東追擊至麻埠進逼流波曠連戰皆捷復檄商城固始等縣團練扼賊歸路而自率所部追擊兆受與馬超江等相繼降散會大府檄桂珍援廬江檄未至廬江城陷桂珍馳救不及落職適兵部右侍郎曾國藩督楚師圍九江桂珍通牒言戰狀國藩以聞副都御史袁甲三軍臨淮亦欲

資桂珍兵西與楚師會桂珍至蘄水境爲吏民遮留不得前嗣九江軍失利武昌再陷國藩入江西文報阻絕桂珍提孤軍轉戰潛霍間五年正月克蘄水英山殪逆酋田金爵提督和春奏聞

諭免議處又以曾國藩疏陳桂珍戰功賞六品頂戴方兆受之降也桂珍請縻以官秩大府難之兆受不無缺望旣超江爲土人所殺兆受請拘其讎弗得益大恚設位哭弔捻黨麇集於是皖豫諸帥咸以兆受反狀聞購兆受頭千金兆受詣桂珍自陳桂珍撫慰之已稍定會當事密書驛遞屬桂珍先發制之書爲兆受得遂於十一月三日伏兵英山之上南門爲亂桂珍死之事聞贈光祿寺卿銜賞雲騎尉世職同治三年江甯克復曾國藩奏請優卹以慰忠魂

命建祠英山縣

賜祭葬諡文貞予騎都尉世職子梅齡襲

李子馥太和人福建縣丞咸豐三年閩省會匪亂奉檄赴仙遊縣防禦陣亡

楊聯魁尋甸文生咸豐三年隨剿東川回匪營陷被害

傅士珍昆明舉人選授羅平州學正以隨征永昌功授山東城武縣知縣調署冠縣咸豐四年三月粵匪竄攻冠縣城陷被執罵賊賊支解之妻楊氏妾朱氏姊王傅氏二女兄子企灝均罵賊死幕友與僕從相率殉者數十人事聞

予世襲雲騎尉竝立專祠家屬及幕友王錫藩潘遵誥王汝庚鄒學鈞劉家驥王樹人王壽昌秦豐城附祀子培基刑部主事改官直隸知縣襲世職

陸維瀚楚雄人道光庚子舉人大挑分發湖北知縣咸豐四年權江夏縣事六月武昌再陷死之

劉體舒景東進士授廣西思恩府知府署潯州府事咸豐五年挺匪圍攻潯州城陷被執賊誘降不屈自縊事聞

贈太僕寺卿銜

賞雲騎尉世職

陳履珍石屏人咸豐六年館驛回匪屢寇建水石屏履珍散貲備糧募敢死士得千人率攻館驛連戰皆捷時官軍營於李蒿寨香木橋者皆從壁上觀無爲後勁賊乃圍之數重會日暮賊乘風縱火營陷衆潰履珍手刃數人被創死子周義連戰皆先陷陣賊憾而憚之會履珍戰歿營陷衆謂周義不如且退再爲計周義泣曰吾不斷賊頭何以對吾父大呼馳突擊殺數十人賊知爲周義乃簡精悍輪攻之身被重傷歿於陣

金毓文金毓寶金聘皆昆明文生咸豐六年四月十七日回

匪馬凌漢犯省城毓文等率團禦賊被害

馬吉馬文起馬來鴻陳宗舜曹健沈錦春李天培時英賢皆
宜良文生咸豐六年四月二十四日回匪陷縣城同日被害
昌應蘭呈貢文生咸豐六年回匪陷呈貢被害

黃河清呈貢文生咸豐六年隨勦澂江回匪營陷陣亡

李珣蒙白人道光乙巳進士江西武甯知縣丁艱回籍咸豐
六年夷匪褚理發結回匪作亂珣舉家四十七人同日殉難
黃綸阿迷廩生咸豐六年綸散貲集勇得千餘人率攻館驛
回匪戰歿

陳珏太和人從九品咸豐六年八月大理回酋杜萬榮藍金
喜等踞城叛珏隨知縣毛玉成巷戰死舉人陳如蕃嚴銳段
登雲廩生張介侯趙崇儒張敬銘增生王心培朱昕附生朱
聯斗罵賊不屈死廩生魏象和投井死張麟率孫永甲永祺

監生張體善率子從辛從丙從庚均自焚太和縣書役李豫
吳淮趙履和何清同罵賊被害

雷焜雲南縣舉人咸豐六年回匪陷縣城與候選訓導魯士
源朱濬廩生任開運任泰運李庚長楊炳文增生魯有綸附
生楊德謙楊疇吳成文楊文忻何翼祖錢時春姚天福杜光
唐徐登雲楊濱武生趙長春徐春榮翁丕承鄭煥章監生吳
執中同時被害

盛績芳大理舉人姚州學正咸豐六年六月回匪陷姚州罵
賊被害合門男女同殉

毛詩序大姚人浪穹縣訓導咸豐六年八月回匪擾縣境詩
序率練勇防剿被執不屈死

朱魁昆明人候選訓導咸豐七年二月初十日在安甯州獨
樹鋪剿賊陣亡

毛世榮呈貢文生成豐七年五月回匪竄呈貢率團防禦被執遇害

戴光照安甯文生成豐七年五月率鄉勇禦賊於州屬羊塢里陣亡

王圻昆明文生以功保訓導咸豐七年五月二十五日與文生郭聯芳王圻在縣屬九甲禦賊營陷被害

葛文炳昆明人道光辛亥副榜咸豐七年閏五月十三日在縣屬馬街子督鄉團禦賊與其子葛湘葛佳同日陣亡

陳天柱昆明人咸豐壬子舉人七年閏五月二十一日曲江回匪犯省城天柱率練勇擊之毘盧寺勇潰陣亡舉人岳相

堯歲貢岳亮彩陣亡大磨盤從九品銜楊友桂楊文華陣亡

白鶴觀河陽舉人羅景謙率團援省城與昆明武舉栗慶春六品軍功孫超戰歿於南門外楚雄增生卜洲東川舉人孟

光學附生傅培謙隨勦省壩回匪先後陣亡大堡基其時殉
難者雲南府廩生谷澄陸彩雲附生張樹功昆明歲貢吳錦
培廩生陸沛附生孫丕烈陳桐陳嘉謨陳之燾楊樹培朱明
遠張鑫傅濟川楊佩芬楊維賢維賢子本廉及其家屬附生
趙廷璧偕母楊氏弟嘉言妻全氏弟婦謝氏及一子二女張
圖河與妻吳氏子樹芳樹基樹葵廩生袁系昌增生袁士昌
并其家屬廩生李蔭偕子樹芬孫元生附生楊恩培妻洪氏
及子繆萬清李勳王承志季愈亮楚維寶偕妻李氏張昀張
珣張旭張智張榮先張鴻文張治河張德雲張茯生張崧生
及母李氏張葑生及母耿氏張榮庚及妻龔氏張鍾睿及妻
楊氏李秉仁及妻余氏子二人女二人

石生輝昆明庠生報捐訓導咸豐七年閏五月二十三日與
其子廷琛赴省請領軍火路經賊營力戰陣亡賊遂攻破九

甲生輝眷屬二十餘人死之

沐廷楨張開文祿豐廩生咸豐七年閏五月率團勇馳援省城二十三日在西城外戰歿雲南府附生姜載周同被害載周妻自焚

鄭嘉賓昆明文童咸豐七年閏五月回匪圍省城嘉賓隨官軍來援戰於蘇家營被執罵賊死其弟嘉銳雲南府廩生在省聞兄嘉賓遇害賦絕命詩十首投北門蓮花池死

李傑昆明舉人石屏州訓導咸豐七年閏五月回匪犯省城楚東南關傑遇賊於五華寺被害子延祐同殉

趙開元昆明監生咸豐七年回匪犯省城開元居城外潛夜將叔祖母并其親繼入城復至家遇賊被害

司軾昆明附生咸豐七年閏五月二十四日回匪擾縣屬五

岳鋪被執死之

蘇介生附生楊應坤監生富民人咸豐七年六月率鄉團援
省城在昆明縣屬栗煙村戰歿昆明增生趙天泰亦於八月
十日在栗煙村陣亡

楊辰光石屏庠生咸豐七年隨千總毛顯坊援晉甯六月十
七日遇賊於化樂村陣亡隊長楊春榮莫六三普文贊楊連
中楊純修同時戰歿練勇死者二百餘人

楊碩臣麗江人道光丁酉舉人昆陽州訓導咸豐七年六月
回匪犯州城率團禦之陣亡

徐永謙昆明監生咸豐七年六月二十六日在富民縣屬橫
水塘陣亡

任榮基石屏人咸豐七年回匪犯省城八月四日榮基隨千
總毛顯坊攻賊壘於大西門外戰歿

王錫齡昆明文生咸豐七年八月二十三日在省東大板橋

棠梨坡勦賊陣亡

汪鑾楚雄舉人選授嘉應州州同咸豐七年回匪陷府城與
羅次教諭汪元華舉花沛麥露生胡鍾歲貢汪元運胡朝鑑
張治卜澤遠優貢謝寶臣文生鞠光謨卜嘉烈卜嘉謨楊茂
王煜張培趙宋王大猷同時殉難

段紱河陽歲貢順甯府訓導咸豐七年回匪陷府城被害

王承志順甯歲貢麗江訓導咸豐七年十月回匪陷府城被
執不屈遇害

王松齡昆明人從九職銜咸豐七年八月回匪圍攻蒙化廳
城松齡時在署同知鄭國煊幕中守西城二十二日城陷松
齡與其子生員燾文童熙及家丁婢女三十三人死之同時
殉難者蒙化舉人蘇佩芸楊丕昌黃龍符優貢趙江監生童
綱武生左祥吳國珍沈鳳翥